

greditur conclusionem, contra regulam:
Lex generalis erit medium concludere nescit.

Eodem modo si interrogatus, *sintne libri Mosis & Maccabeorum Canonici?* respondeas simpliciter, ita Sophista inferet: *Ergo libri Maccabeorum sunt Canonici.* Si dixeris: non, inferet: *E. libri Mosis non sunt Canonici.* Duplici ergò responsione utendum, & dicendum: *Libri Mosis Canonici sunt, Maccabeorum non sunt.* Sic si quæsitum fuerit: *Sobrietas & ebrietas suntne bonum & malum,* distinctè respondendum: *Sobrietas bonum & ebrietas malum.*

Sic si interrogaretur: *An Alexander M. Cyrus, Hannibal & Julius Cæsar fuerint fortes Reges?* Plures sunt hic interrogaciones: Quia Hannibal & Julius Cæsar non fuerunt Reges, etiamsi strenui duces fuerunt.

Sic ἀλληλοχρία hoc laborat Sophisma:

Qui cum Deo & in Deo in vitâ eternâ vivunt, illi in speculo Trinitatis (hoc speculum à Pontificiis confictum est,) omnia vident:

Sancti